


კავკასიის ეკონომიკის ყოველთვიური
მიმოხილვა
ივნისი 2025





ეკონომიკური ზრდა



2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. იანვარ-აპრილში კავკასიის ეკონომიკა 4.2%-ით გაიზარდა.


✚ 2024 წელს საქართველოს ეკონომიკა 9.5%-ით გაიზარდა. მიმდინარე წლის იანვარ-აპრილში ეკონომიკა 8.8%-ით გაფართოვდა. ზრდაში მნიშვნელოვანი წვლილი ტრანსპორტის, უძრავი ქონების, საფინანსო საქმიანობების, სამთო მრეწველობის და ტელეკომუნიკაციების სექტორებმა შეიტანა. კლება დაფიქსირდა დამამუშავებელი მრეწველობისა და მშენებლობის დარგებში.

🇦🇲 2024 წელს სომხეთის ეკონომიკა 8%-ით გაიზარდა. მიმდინარე წლის იანვარ-აპრილში ეკონომიკა 4.4%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 5.2%-ით მოიმატა, სამშენებლო დარგმა კი - 15% -ით. მომსახურებაში გამოშვება კი 9.9%-ით გაფართოვდა.

🇦🇷 2024 წელს აზერბაიჯანის ეკონომიკა 4.1%-ით გაფართოვდა. მიმდინარე წლის იანვარ-აპრილში ეკონომიკა 0.9%-ით გაიზარდა. აზერბაიჯანის ეკონომიკის 32.6%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 3.3% შეადგინა. სოფლის მეურნეობა კი 1.8%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა საქართველოშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის მაისში სამომხმარებლო ფასების წლიურმა ზრდამ 3.5% შეადგინა. მაისის ინფლაციაში მაღალი წვლილი სურსათის და უაღკოჰოლო სასმელების ფასებმა შეიტანა, რომელიც 8.3% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.8%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇷 წარსულში, რეგიონში ფასების დინამიკით სომხეთი გამოირჩეოდა. 2025 წლის მაისში სამომხმარებლო ფასების წლიური ზრდა 4.3% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო 1.5%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-ზე შენარჩუნდა.

🇦🇿 აზერბაიჯანში ინფლაცია შენეულა. 2025 წლის მაისში სამომხმარებლო ფასების წლიურმა ზრდამ 6.3% შეადგინა. აპრილში ეს ნიშნული იგივე იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. ივნისში მიღებული გადაწყვეტილებით, პოლიტიკის განაკვეთი 7.25%-ზე შენარჩუნდა.